



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorum Omnium Generalium Et Provincialium Collectio Regia

Ab anno CCCCII. ad annum CCCCXXX.

Parisiis, 1644

LXVII. De suggestione Maurentii episcopi.

urn:nbn:de:hbz:466:1-14918

tistis, & habuerunt episcopos, sine dubio, inconsulto Concilio, habere mereantur: quæ autem plebes habuerunt episcopum, & eo defuncto voluerint non episcopum proprium habere, sed ad aliquius episcopi diœcesim pertinere, non eis esse dengandum. Nec non & illud suggestum est, quod plebes ante legem imperatorum de vnitate latam, quicumque conuerterentur episcopi ad catholicam, ipsi eas obtainere debeant. Verum a lege vnitatis, & deinceps oporteat vniuersas ecclesiias vendicare sibi episcopos catholicos eorum locorum, ad quos loca sub hæreticis pertinebant, vel conuersorum ad catholicam, vel non conuersorum hæreticorum, & diœceses, & si qua forte sunt instrumenta ecclesiæ, vel ad eius ius pertinentia. Qui vero aliqua usurpauerunt post legem, usurpata conuenti restituant.

LXVII.

Cod. Can.
cap. 100.

Ad suggestionem vel postulationem episcopi Maurentii, cum lecta fuisset scheda, quam obtulit episcopus Placētius, qui personam legati Numidarum gestabat, sententia eiusdem Placentii recitata est in conspectu episcoporum. Et cum quererentur hi quos adesse voluit a diaconis pro foribus, id est, seniores a noua Germanicia, ac minime inuenirentur, secundo vel tertio requisiti, propterea censuit sanctum Concilium, ut literæ ad eumdem senem Xanthippum prærogentur, quo nouerit voluntati plebis memoratae nullo modo ad iniuriam episcopi succumbendum. Maurentius episcopus dixit: Quoniam requisiti sunt seniores a noua Germanicia secundo, ac tertio, & non sunt

ANNO CHRISTI 444. inuenti, quibus præceptum erat a primate, vt huc occurrerent ad venerabile Concilium, quod nunc agitur Idibus Iuniis, suiq; absentiam procurarunt: idcirco decernat ex hac re aliquid sanctitas vestra, ne sub molestia calumniæ ipsorum, innocens videar laborare. Concilium sanctum statuit, debuisse quidem secundum censuram sacerdotalem ex hoc Concilio aduersus contumaces ferri sententiam: sed quia mansuetudo ecclesiastica seruanda est in omnibus causis, * præmiserunt ad senem Xanthippum, vt nouerit iudices de Concilio electos sine dilatione considerare debere in ciuitate * Thuburbsicensi, vt negotio congruum adhibeat examen. Maurentius episcopus dixit: Iudices peto sanctum senem Xanthippū, sanctum Augustinum, Florentium, Theasium, Sansutium, Secundum, & Possidium. Hos decerni mihi iubeatis. Sanctum Concilium concessit iudices postulatos. Reliquos autem iudices, ad complendum numerum necessarios, diligentibus ipsis senioribus a noua Germanicia senex Xanthippus curauit decernere.

LXVIII.

Placuit etiam, vt de dissensione Romanæ atque Alexandrinæ ecclesiæ, ad sanctum papam Innocentium scribatur, quo vtraque ecclesia inter se pacem, quam præcepit Dominus, teneat.

LXIX.

Placuit etiam, vt secundum euangelicam & apostolicam disciplinam, neque dimissus ab vxore neque dimissa a marito, altari coniungatur: sed ita maneant, aut fibimet reconcilientur. Quod si con-

Concil. Tom. 4.

Aaaa ij

Notas huius Canonis vide supra in notis ad Cœciliū Africænū IV. sub Innocentio. Cod. Can. cap. 101. *Iean. 14.*

32. quest. 7.
Placuit, vt secundum.
Et in Concilio Mileuitano cap.
17. *Matth. 5.*
1. Cor. 7.